


Naupang te tana Pathian Lehkhabu Thianghlim
I hnenrawn thlentu

Mihring lungngaihna intanna chu



Ziaktu: Edward Hughes

Letlingtu: C. Lyani

Milem nena sawfiahtu: Byron Unger; Lazarus

A hmeh leh remchang zawnga lettu: M. Maillot; Tammy S.

Thawnthu 60 zinga 2na

www.M1914.org

Bible for Children, PO Box 3, Winnipeg, MB R3C 2G1 Canada

Phalna: He thawnthu hi sumdawn na atan a hman anih loh phot chuan

I duh ang in ziah chhawn emaw khawla chhut chhawn phal ani.

Mizo

Engkim hi Pathian siam ani!
Pathianin mihring hmasa ber
a siam lain, Adama leh a nupui
Evi chu Eden huanah an khawsa a.

Hlimtak leh Pathian
thuawih tak in an om
thin a mahse
nikhat chu ...




1

"Pathianin,
Huana thing
rah rêng rêng
hi in ei tûr a
ni lo, a ti elo
maw?" a ti a.




2




Tin, hmeichhia chuan rûl hnênah chuan, "Ti lo ve, huana thing rahte hi kan ei thei asin: huan lai taka thing awm rah erawh chu Pathianin, In ei tûr a ni lo, tawh pawh in tawk tûr a ni lo, chutilochuan in thi ang, a ti a ni", a ti a.

3




In ei nî atang chuan Pathian ang in lo ni dâwn a ni. Evi chuan thing rah chu ei mi a ni tih leh, mit la tak a ni tih leh, mi tifing tûrin thing rah îtawm tak a ni tih a hriat chuan thing a rah thenkhat chu a lo va, a ei ta a.

4




Evi in Pathian thu a awihloh hnu chuan thei chu a pasal Adama chu a peve ta a. Adama chuan "Ăih, Pathian thu ka hnial thei lo" lo tih awmtak ania.

5



Adama leh Evi ten thil an tihsual hnu chuan saruak anni tih an in hrechhuak a. Tichuan theipui hnah an thui khâwm a, pawnfên an insiam chawp a, LALPA Pathian chu an lo bihrûksan ta ani.

6




Tin, LALPA Pathian chu huana tlai nî nêmah alo lêng a: Pathian chuan an thil tih chu a hre reng a. Adama chuan Evi a puh a. Evi chuan rul a puh bawk a.

7




Pathian chuan rul hnenah, "ânchhe dawngin i awm bîk ang" ati a. Hmeichhe hnênah chuan, "I hreawmna leh i nau paina chu nasa takin ka tipung ang a; hreawm takin fa ihring thîn ang" a ti a.

8




Tin, Adama hnênah chuan, "Ka thu I awihloh avângin lei hi nangmah avângin ânchhe dawngin a awm ta a ni; i dam chhûng zawngin rim taka thawkin a rah chu i ei tawh ang a ti a."

9




Tichuan Pathian chuan eden huan ata chu a hnawtchhuak ta a. An suauna avang in Pathian lak ata lak hran in an awm ta a.

10



Pathian chuan nunna thing kawng chu vêng tûrin Eden huan chhak lampangah chuan Cherub-te leh mei khandaih vir tawn zawk zawk chu a awmtîr ta bawk a.

11




Tin, LALPA Pathian chuan Adama tân leh a nupui tân chuan savun kawrfualte a siamsak a, a haktîr ta a. Mahse Pathian khan kha savun kha khawi atang in nge a lak ang le?

12



Chutih hunlai chuan chungkua an insiam a. An fapa hmasa zawk Kaina chu leiletu ani a. An fapa pahnihna Abela chu berâm vêngtu ani.


13



Nikhat chu heti hi a ni a, Kaina chuan LALPA hnêna hlan atân lova thlaihna a rawn la a. Tin, Abela pawh chuan a berâm rual zînga piang hmasa berte leh a thau chu a rawn la bawk a. Tin, LALPA chuan Abela leh a thil hlan chu a lâwm a.


14

Kaina thil hlan erawh chu Pathian in a lawm ve loh avangin Kaina chu a thin a rim a, nimahsela Pathian chuan thil i tih that chuan lawm i hlawh dâwn lo vem ni? a ti a.




15

Kaina thin ur na chu a reh mai loh avangin a nakin deuhah chuan lo ah feh in Abela chu a that ta a.




16

Tichuan LALPA chuan Kaina hnênah chuan, "I nau Abela kha khawiah nge a awm tak?" a ti a. Tin, a ni chuan, "Ka hre lo. Ka nau vêngtu ka ni em ni?" a ti a. Chuvangin Pathianin Kaina chu a hrem in, lei i leh pawhin a thatna chu a pe phal tawh lo vang che; leiah hian tlân bo leh vâkvai i lo ni tawh ang, a ti a.




17

Tichuan Kaina chu LALPA hnên ata chu a chhuak in nupuiah Adama leh Evi te fanu chu a nei in chungkua an din ta a. Reilote chhung in Kaina tu leh tuchhuan te chuan a khawpui din chu an luah khat ta thuai a.



18

Chutih hunlai chuan Adama leh Evi te chungkua chu an inthlah pung chak em em mai a. Khatih hunlai kha chuan mihring te poh an dam chen a sei zawk thin ani.




19

An fapa Seta a pianni in Evi chuan Pathianin Abela aiah chi thlah dang mi ruatsak ta a ti a. Seta chu Pathian tih mi tak ni in kum 912 a dam a fanu leh fapate a nei hlawm ani.



20

Khovela mihringte chu an lo sual tak em avangin Pathianin khovel chu tihchhiat a tum ta a ...



21

... ramsa te chunglêng sava te nêl lam hian; Ka siam tâk avângin Ka inchhîr a ni, a ti a. Mi pakhat erawh chuan LALPA mit a tlung a.



22

Chu pa chu Nova ani. Nova chu Seta thlah a ni a, mi fel tak niin Pathian nêl an lêng dôn thîn a ni.



23

Nova chuan a fapa te pathum chu Pathian thu awih turin a zirtir thin a. Tichuan Pathian in Nova chu danglam bik tak a hman a tum ta a.



24

Mihring lungngaihna intanna chu

Pathian lehkhabu atang a Pathian Thu nen a inmil thawnthu chu

hengah te hian a hmuh theih

Genesis 3 - 6

"I thu hrilhfiyah hian mitte a tieng a; Mi mawlte chu a hriat thiamtir thin."
Sam 119:130

Pathian chuan thil thalo kan tih a hria a chu chu sual a ti ani. Sual man chu thihna a ni si a.

Pathian in min hmangaih em avang in a fapa neihchhun, Isua chu I sual man pe tur in Kraws ah thi tur in a rawn tir a. **Isua chu tho leh** in vanram ah a chho leh a! Tunah chuan Pathianin kan sual a ngaidam thei ta.

I sualna ata I inlamlet duh chuan Pathian hnenah heti hian ti rawh: Ka Lalpa duhtak, Isua chu ka tan a thi a, a tho leh ta tih ka ring a. Khawngaitakin ka nunah lo kal in, ka sual min ngaidam ang che. Chutia nun thar ka lo neih a chatuan a nangmah hnen a awm reng tur in. I fa ni a, I tan a nung tur in khawngaitak in min tanpui ang che. Amen. Johana 3:16

Nitin Pathian Lehkhabu Thianghlim chhiar in Amah nen inpawl ziah rawh u.

